

嘉慶直隸太倉州志

直隸太倉州志卷四十五

人物

列女四

嘉定縣

國朝

李氏陳夢得妻年二十一夫歿孤方六月未幾復殤力
作養姑撫姪箴言爲嗣

徐氏嚴聖始

微顯志
作卒始

妻早寡無子舅姑方在殯氏忍死

矢志明季羣僕爲盜入室縱火氏以身翼蔽三柩叱曰
貨可刼頭可斷柩不可焚也盜怒縛投烈焰中火隨滅
盜驚顧而去卒營葬如禮氏舉止剛烈寡後惟一嫗同

直隸大名府志 卷四十五
一
卧起嘗袖一帕謂嫗曰脫有不虞卽以此盡守節五十六年

陳氏周學繼妻學自常熟徙居嘉定氏年二十一而嫁二年夫死撫遺腹孤俶成進士守節六十六年

楊氏申改妻夫歿撫三歲孤艇爲諸生有名於詩至九十一歲卒

王氏趙宏昌妻夫歿撫嗣孤俞成進士守節三十七年女適江楨楨客死撫嗣守節五十年坐卧一小樓親黨罕見其面禮部尙書長洲韓菼書額獎之

徐氏邑庠尹維乾妻家酷貧勤苦操作佐夫奉姑姑病割股以療順治八年憲獎

李氏沈聞孝妻年二十六寡孝事舅姑撫孤世華成立
明季遇兵世華負母以免守節至老

沈氏蘇登明妻早寡族人逼改嫁氏盡以家貲與之攜
女歸母家及女嫁依壻守節六十四年

陸氏黃應爵妻少寡家貧子道宏尙幼朝暮紡織守節
三十餘年歿

陸氏沈光祚妻守節四十五年巡按金元楨給獎

金氏聞貞妻早寡撫四歲孤躬耕作苦一生寢食夫柩
旁守節五十一年

陳氏盧瑜妻年二十寡無子撫育孤姪守節五十六年
朱氏戴純妻早寡舅老孤幼紡織爲生勉力喪葬守節

五十二年

施氏戴高妻夫歿截髮毀容撫育孤子明季舅靖死於兵氏從兵燹中匍匐奔殮又數年孤夭撫幼孫守節四十九年

林氏馮珙妻守節三十餘年

王秀文少孤母張氏少育於從父泰際儀止端莊兄楫汝教以書輒曉大意家人稱女博士同邑項準少有異質美丰儀其母夜夢白衣大士以揚枝水洒準及一女旋於戚家見秀文甫八歲眉目如畫衣飾宛如夢中咤爲異於是訂婚準母取金釧繫秀文臂曰而今爲我婦矣越數載項家日落準又試不售母張氏有異志適太

倉楊某來求婚家人僞稱泰際意探秀文秀文大驚曰伯父賢者何出此言泰際聞而嘆曰吾女讀書知大義烏可奪其志遂謝楊氏張卒不從乘間納金陵朱宦之幣婚期已近秀文急遂摘金耳環嚙之昏絕者數次王氏有老姊以奇藥至家人扶齒灌之環得出秀文復醒于是揖汝令準親迎旣歸準執婦道惟謹刺繡織組以供朝夕長洲尤侗爲傳其事云

李氏父家富無子氏年十八適蘇潤五載潤歿別製木主置臥室飲食相對里兒艷其富且美賂夫兄逼氏改嫁氏聞怡然曰吾固知吾不終也但五年夫婦必一祭而去許之祭畢入房弗出兄往視已經死後知縣趙昕

重修縣志夫兄屬秉筆者諱之一夕間步月下突遇氏夫婦直前批其頰驚悸而死

周氏俞可爵妻年三十寡族人覬其產逼之改嫁不從謀於盜魁將劫之氏闔戶積薪自焚屋旣燼遺骸端坐不仆面目如生吳康侯記其事

袁氏周萬新妻年二十有五生二子俱不育勸萬新納妾其妾生一女一子子方二歲萬新亡袁語妾曰若子卽我子也我與若同守子得成立不墜周宗矣居三年妾信讒搆屢侵袁至不能堪袁祀萬新而哭遂經死陳氏陶祁村龐某妻年十八而婚歲餘夫患病篤卽以死自誓及夫亡家人守視之陳乘間投淵死

許氏松江人年二十適時懋順爲繼妻未幾懋順病歿守節三十四年

以上順治年間

張氏顧讓妻年二十寡守節五十七年巡撫韓世琦給貞行可風匾

蕭氏朱稚恭妻稚恭客死孤甫四歲家貧守節五十一年

許氏馮繼奎妻年二十寡姑病割股療之守節至老知縣余敏給節孝可風匾

萬氏張欽妻年二十四寡祖姑及孀姑在堂遺孤源尙幼族人欲奪其產逼改嫁氏於訟庭截髮誓志知縣余

敏給立節全孤區源後補諸生

陳氏趙方召妻年二十方召歿氏欲死舅姑以孤幼諭之氏曰舅姑未老尚可撫此兒竟餓死

王氏馮應元妻早寡撫二孤守節舅年老病癰穢氣達戶外氏洗滌醫藥八年不懈舅臨歿告親戚曰媳今日爲婦以孝我來世當爲子以報聞者皆感嘆

馮氏范嘉允妻早寡孤生甫數月撫至十六歲而天氏不櫛沐不茹葷酒日夜伴兩柩號泣守節六十年有婢玉梅感其節事馮不嫁馮歿哭死

陸氏沈文芝妻夫歿無子族人欲奪其志氏以死誓撫女守節三十六年陸隴其給操同冰雪區

朱氏錢文憲繼妻明天啟五年夫亡朱年二十一撫前
妻子鼎及一歲孤維華以守至七十三歲歿

歸氏陳璵徵妻夫歿孝事舅姑撫幼孤謙明成立守節
三十七年

李氏陳維瀚妻早寡姑年老紡織以養守節四十年陸
隴其給匾

吳氏唐堯政妻夫歿祖舅卧病三載氏躬親洗滌又營
葬三世五喪撫孤守節五十二年子祖復娶婦徐氏而
天徐亦孝姑病篤籲天請代陸隴其給一門貞孝匾
計氏須茹妻年三十而寡無子舅姑歿竭力營葬結廬
墓側守節四十餘年陸隴其給匾

周氏王鳴鳩妻無子守節六十餘年陸隴其給節冠彭
溪匾

李氏周康侯妻姑老病醫言乳哺可愈氏方舉子謂夫
日子可再得母一而已遂棄子乳姑逾年獲愈

辛氏益啟晟妻守節三十八年陸隴其給節孝世美匾
黃氏孫公信妻公姓病蠱晝夜侍湯藥及歿養舅姑撫
二孤守節四十一年公信從弟公允妻張氏婚歲餘而
寡遺孤彌月舅姑欲奪其志以死自誓守節四十餘年
陸隴其給一門雙節匾

盛氏唐世俊妻事舅姑甚孝夫病篤欲先死明志夫不
許及卒殮畢遂自經陸隴其親往祭之給志烈可憫匾

朱氏金士珪妻年二十九

徵顯志作
年十九

夫歿撫姪爲嗣守

節至七十七歲

馬氏躬耕操作撫育遺孤康熙十三年年五十八歲歿
曹氏秦穎發妻夫歿奉孀姑馬氏躬耕操作撫孤成立
守節二十九年

曹氏錢球妻年二十三寡孤密方三歲遺腹响密長娶
殷氏亦二十三而寡姑媳苦守以老巡按金元楨給千
古完人匾

張氏大塲殷又元妻二十歲寡終身不櫛沐亂髮鬚髻
結之於頂依兄涵以居兄亡紡織自給守節至七十三
歲歿郡守陳鵬年獎曰鬚髻奇節匾

唐大姐年十歲父愷病危嘔血數升割股以進病愈大姐尋以股瘡潰爛而歿

王氏句容人嫁陳瑞徵爲妾時瑞徵年已七十五未幾瑞徵病歿氏慟絕復甦剜左目不食五日死

陳氏徐自明妻夫歿家貧氏事老姑撫二孤成立備嘗辛苦四十年如一日

袁氏潘福

微顯志作張福

妻福故陳氏義兒爲主守冢力農織

履自給氏常屨糟糠必購肉奉姑隨姑寢處以勞瘁先姑歿

以上康熙二十年前

錢氏 錢氏 張氏兩錢氏姊妹也一爲益友妻年二

十七夫亡姑以哭子心慟錢割股以進姑尋愈守節三十四年卒一爲益曜妻姑病隔久醫藥罔效婦亦割股進之姑頓能飲食平復如初其從妯娌張氏益彥深妻亦割股療姑疾人謂益門三孝婦

陳氏一都趙某妻夫早世守節事姑盡孝姑老病不能食嚼飯哺之垂三十年不倦姑以老壽終

龐氏黃渡金南藩妻夫亡事姑甚孝侍姑病寢食俱廢籲天願以身代忽嘔血數升而殞姑病尋愈

汪氏紀王鎮朱漢南妻舅老病篤汪籲天割股和藥以進舅病獲全

談氏邑城李輔妻輔授徒遠地談事舅姑甚孝姑病目

幾盲談每晨以舌舐之歲餘復明知縣王樞獎曰閨中曾閔

盧氏北城趙銘妻刲股療舅病姑目盲舐之復明後歿鬻居營葬布政司使趙向奎獎之

張氏名懿國柱次女年五歲母楊氏沒張撫尸慟絕左耳廢聽祖母馬氏病癱瘓便溺寢起晝夜扶持凡十年馬歿懿哀毀死督學楊中訥獎曰孝女維風郡守陳鵬年獎曰閨中純孝

陸氏葉應登妻年二十九而寡應登原籍吳縣洞庭山無親族可依氏矢志撫孤會鄰家失火延及夫柩氏撫棺號慟風返火滅孤範亦有孝行知縣聞在上給節孝

爲儀匾

李氏封之荆妻年十七而寡遺一女甫嫁又歿家甚貧艱苦守節學政李振裕給匾卒年八十二

談氏潘諧妻年二十七寡無子毀容矢志紡織度日又典鬻簪珥購地葬夫及舅姑伯姆五喪撫嗣子及孤姪守節終身

戴氏王佳穎妻夫歿孤甫三月旣長娶婦而天撫女孫伶仃孤苦守節六十一年通政嘉善柯聳題其墓石曰苦節

張氏汪濬之妻年二十三寡無子女與孀姑同卧起者三十載卒年七十七

朱氏湯懌莘妻年二十七而寡自食麤豆以精鑿奉舅姑孤年十三以浚河役破家冬夏常貼地卧久之孤始娶數年子婦並夭氏守節四十六年臨歿語子妾瞿氏曰湯氏四世九棺俱在淺土汝能埋之吾目瞑目矣瞿以次營葬鄉黨賢之

談氏興化人嫁倪澄爲妾澄無子年近七十始納氏氏與嫡周氏俱無子次妾陳氏生一子未幾澄及陳俱歿周挈嗣子同居悉蕩遺產氏獨撫陳所生孤拮据萬狀守節五十一年

吳氏沈茂妻夫歿力作養舅姑守節四十四年

南翔朱氏三節婦石氏朱應鴻妻二十三夫亡守節六

十一年孫氏應鴻姪士璠妻二十五夫亡守節三十一年黃氏士璠從弟士璵妻二十五夫亡撫二子長子娶婦並歿次子光祐娶汪氏亦二十五而寡姑婦同撫孤孫俄而汪又卒黃苦節六十年

趙氏進士俞妹江楨妻二十四夫亡守節五十年坐卧小樓罕見其面韓尙書焚書額獎之

沈氏陸宗濂妻三十夫亡守節五十五年

趙氏金光祖妻婚甫二載年二十一而光祖亡守節三十餘年

須氏生員王疇妻二十一夫亡撫從子輔銘爲嗣守節以終知縣李士甄獎之

沈氏張昂聘妻昂死哀經奔喪舅以幼子後之越六年而殤沈投淵者再俱以救免一日祭夫慟哭紉衣閉門自縊

張氏印隆泉妻夫歿守節四十年孤俊伯娶妻秦氏早歿亦守節四十年知縣旌其門曰雙節

吳氏朱珣妻撫嗣守節二十六年歿

顧氏張文妻夫歿家貧撫幼孤備極艱苦守節四十餘年

封氏趙允淑妻年二十二寡嚙指自誓封髮不解守節三十七年

張氏陸其資妻年二十八夫歿殮畢閉門自經姑救之

得甦撫孤守節以老

陸氏宣恩妻守節四十年

蔡氏闕奇妻夫歿家徒四壁勤苦撫孤守節至九十餘歲

李氏趙定珍妻年二十五寡守節至老

馬氏吳晝妻守節四十年

龐氏金應昌妻年二十一寡撫幼姪孩爲嗣無乳以糕果飼之守節六十年孩事母孝母歿廬墓三年知縣聞在上以節孝獎之

徐氏張邦瑞妾夫歿撫嗣廷謨旣婚復天與媳包氏相依守節皆三十餘年邦瑞有姪女適凌卯年一十三而

寡孤俊亦婚而天復撫孤孫以延一綫

許氏趙一鳳妻年二十七寡孤鍾秀妻朱氏二十九而寡姑媳守節至老

沈氏陸怡溪妻早寡家貧二孤俱天復撫孤孫守節四十五年

張氏蔡貞遇妻年十九而寡孤生甫一月撫之守節五十七年

陸氏金奎妻守節三十二年

陸氏須世珍妻守節三十五年

錢氏陳宏文妻年十九夫歿養孀姑撫三歲孤守節三十三年

樊氏朱月賓妻守節四十餘年

趙氏須王臣妻守節五十餘年媳張氏割股療姑以孝稱

張氏李元素妻年十九而寡削髮守節二十餘年

黃氏彭廷獻妻早寡舅姑先歿兩叔在襁祿氏撫之如子及長並天惟幼叔遺腹一子命曰幸延復撫之守節三十二年

沈氏吳振寰妻夫歿撫孤成立復天媳沈氏與姑同守節

王氏俞養吾妻年二十寡撫周歲孤成立守節五十三
年

陳氏沈君宣繼妻夫歿家貧有脅之改嫁者矢志不渝率二女力作自給終其身

孫氏金鉉妻夫歿子不克家守節三十二年

徐氏金潛妻守節三十六年一女適馬士誠年二十三而寡亦守節終身

凌氏徐載名妻早寡撫孤旣長客死氏益惇獨無依艱苦守節三十餘年

王氏沈乾妻早寡孤生甫數月守節五十一年

王氏李輔世妻婚兩月連喪舅姑又八月夫歿氏號慟欲殉父母曰烈死孰若守貞待嗣氏依母家兄極貧氏紡織佐之念親老恐倉猝無措附身者咸豫儲焉及父

母俱歿卽曰吾李氏人不宜留此遂還家仲叔名世重嫂之貞奉事恭甚又以謀食京師客死無子惟季生二子婦撫其一爲後因積勞兩目昏翳猶紡績自給守節三十一年及歿貧不能葬其姪汝師奔走營謀崇明縣訓導張榮買地葬其夫婦并給滄海明珠額知府陳鵬年題其墓曰貞孝

吳氏沈世淳妻守節三十九年

陳氏王瑗妻婚時瑗已病劇氏不解衣帶奉侍湯藥兩月瑗歿守節四十四年知府陳鵬年給獎

顧氏殷元宥妻夫歿撫孤之姦娶婦馬氏亦早寡姑媳織履自給顧守節三十四年馬二十九年

葉宏細字書城崑山人適嘉定闕宗寬夫歿撫嗣守節五十四年宏細自幼能詩與其妹燦英蘭谷互相酬唱尤工倚聲有寄外蝶戀花調人爭傳頌余起霞叙其繡餘草行世

徐氏朱澮

微顯志作朱詮

妻夫歿引刀以殉姑勸阻之後姑歿

鬻簪珥以殮守節四十七年署布政司陳鵬年給冰蘖清芳匾

金氏奚昌祚妻夫歿撫孤士柱爲名諸生守節五十七年巡撫宋犖給霜稜月表匾

過氏陸殿颺妻夫歿欲身殉姑以撫孤諭止之半載孤殤乃告姑曰媳緩死以兒兒死又何生爲夜鍵戶自經

時年二十五布政司使張志棟給巾幘完人廬

吳氏一都趙時賢妻二十八歲夫亡撫遺腹子守節家
貧耕織以養舅姑歿爲之營葬卒年五十三族人進士
俞爲立傳

陳氏侯萬祺妻婚未一月夫歿撫孤守節娶媳不顧貧
苦終身

劉氏龐溶妻早寡遺一女繼姑性悍事之甚孝守節二
十三年依女以老

顧氏沈壽妻夫歿家貧里兒艷其姿謀娶力拒之撫一
子一女針指自給後子死媳嫁撫幼孫守節四十餘年
喪氏侯于夏妻夫歿家貧撫三歲孤守節三十一年臨

歿囑其子以孝順祖母無他言

朱氏名鳳儒六都儒家女幼喪父母年十八嫁太倉方致安致安遠館寄居六都朱年二十三舅姑及夫相繼死撫二孤守節後並天次子洽聘妻顧氏名貞新涇醫家女也夫亡衰經來哭遂不返與姑同卧起比姑歿獨棲破屋中年逾六十姑媳並以苦節著

朱氏秦元行妻年十七寡家貧無子守節五十四年旣歿族人錫齡買地葬其夫婦

徐氏陸昱妻夫歿家貧無子守節五十餘年學政邵嗣堯巡撫張伯行並給匾獎之

印乾許字徐吉士吉士天印年二十一

微顯志作

請守

志母不許闔戶自經再以救解伺間投園池死與夫合葬於漳浦口北

周氏張敏妻敏客死楊州氏撫孤守節五十五年

張氏楊元簡妻生而端默不禮於夫氏事之甚謹年二十四寡撫孤守節三十二年

張氏王貴甫妻夫歿無子守節至七十六歲

周氏王需吉聘妻夫天聞計自經母救而甦終不易志絕食死

陳氏趙乾周妻夫亡無子或諷改適矢志不移守節四十年

曹氏馮際陽妻早寡孤幼伯叔謀害之以分其產徙避

邵城孤旣長而天又撫孤孫四人以耄年終

高氏李邦藩妻康熙中夫與舅俱疫死氏痛不欲生以姑病侍湯藥月餘姑復歿遂投井死年二十六

嚴氏須大英妻早寡孝事舅姑撫二孤守節四十九年
朱氏沈定祖妾守節五十七年

沈氏李士榮妻早寡撫孤逢春爲娶章氏生一子而亦寡妹婿屢謀害之姑媳二人保抱不釋手越三載乃免
沈守節五十三年章守節三十一年

朱氏許字錢玉未嫁玉天氏年十九聞訃自縊死越三日而殮顏色如生與玉合葬

張氏菱門涇邱淵著聘妻淵著亡張年十八父母潛許

他姓張絕食三日死康熙五十一年與夫合葬

黃氏沈永綬妻夫歿撫四歲孤值荒亂崎嶇艱苦守節五十七年

馬氏朱琨妾撫孤守節四十四年

陳氏南翔張某妻婚四十日夫歿守節至六十餘歲

俞氏胡元吉妻撫三歲孤守節二十八年

張氏印廷鉉妻夫歿茹苦撫孤屢至絕食守節四十一年

陸氏張元暹妻夫歿家貧守節三十七年

錢氏杭曹英妻守節五十五年學政張泰交獎曰完孝全貞

沈氏徐文桂妻年二十寡無子守節四十六年

陳氏鍾叔和妻年十四于歸生二子四女夫歿二子又天值歲饑藜藿充腹冬衣敗絮席藁草守節五十年

周氏邑城陸廷琇妻二十八歲夫亡守節至八十二歲終

徐氏江東鍾玉和妻玉如依母族居七都徐年十九而嫁五月夫亡紡織自給守節至六十五歲歿知縣王樸獎曰苦節幽貞

侯氏邑城監生項復泰妻二十九歲夫亡守節至五十四歲又生員項正本妻須氏二十七歲夫亡撫四月孤守節至七十一歲歿知縣王樸給匾曰一門雙節

施氏邑城朱肇泰妻二十七歲夫亡守節三十一年舉
兩世之喪歸葬洞庭東山年五十八歿

車氏吳淞劉行吾妻二十七歲夫亡截髮矢志苦節五
十九年知縣李士甄給匾

馬氏安亭姚士蘭妻二十三歲夫亡止一女茹荼力作
守節四十六年

張氏邑城生員金莖妻二十九歲夫亡撫姪爲嗣復天
養姑守節至八十三歲

張氏六都王峻妻桐栢知縣中銘嗣母二十五歲夫亡
守節至六十一歲歿知縣王樸獎曰孝貞完行

金氏六都監生王畧妻二十九歲夫亡守節至六十六

歲

劉氏邑城張爾律妻二十三歲夫亡守節三十餘年

朱氏方泰鎮王綸妻二十九歲夫亡守節五十餘年知縣李士甄獎以勁節維風督學鄭任錦獎以冰心玉映李氏邑城王子穗妻二十一歲夫亡生子方十八日撫之完娶子又亡復撫其孫守節五十餘年

閔氏潘家橋張士楷妻二十五歲夫亡無子待應嗣者生抱育之守節至七十三歲歿

以上康熙四十年前

茅氏王佐妻夫歿舅姑年老氏躬滌厠踰撫孤守節四十八年知縣王樸給節孝可風匾

趙氏支正妻年二十四寡撫孤長大娶媳唐氏孤復殤
同媳撫遺腹孤洪守節知縣王樸給姑媳雙貞匾

徐氏張文令妻守節四十年

項氏張棟如妻無子守節四十二年

施氏康信侯妻早寡嗣子不能養守節四十年

王氏楊中彥妻早寡守節至四十四歲歿

劉氏傅明倫妻年十八而婚未期夫客死無子守節至
四十餘年

趙氏葛天錫妻夫歿無子氏操作以生守節三十餘年
顧氏張平妻夫歿截髮置夫柩前終身不櫛沐守節六
十六年年九十五歲卒

金氏徐載鼇妻撫孤守節六十二年

朱氏鄭某妻事姑孝謹繼因小姑構讒同夫出居於外
艱苦備嘗未幾夫歿攜孤歸又殤不食死長洲閨秀朱
宗淑爲作烈婦行

陸氏凌祖生妻夫歿無子守節四十三年

陸氏須凝仲妻早寡撫孤廷鼎守節三十餘年廷鼎嘗
割股療母病

馬氏趙如琦妻年二十五如琦死於兵氏截髮矢志歸
依母家卒年八十六知縣黃洽選給禮門貞節匾

周氏毛仲顯子某妻年二十三寡將自經舅力阻之遂
一意撫孤仲顯有女適樊仁伯年二十五寡遺三歲女

家赤貧姑雖乖戾竭力奉養俱守節終

莫氏諸生侯泓繼妻二十七歲夫亡撫遺腹子萊補諸生守節至六十三歲沒泓孫永亦諸生妻張氏明舉人錫眉孫女也姑金氏病篤張割股以療二十九歲夫亡張養撫盡瘁知縣李士甄獎曰操凜松筠年七十餘歲潘氏陸耀節妻守節五十五年

朱氏水紹芝妻夫歿毀容守節五十九年

朱氏黃成甫妻夫歿忍飢寒撫半歲孤成立守節五十九年知縣給獎

沈氏唐裕功妻夫歿家貧撫嗣子守節四十七年

黃氏袁良妻早寡撫孤臣虎中武進士守節五十八年

徐氏張世祚妻守節五十五年

張氏侯德甫妻守節五十七年

陳氏王世安妻年二十一寡無子守節六十三年

崔氏嚴壽妻夫歿孤復天守節四十八年

印氏張振鍾妻守節二十七年有女許字王俶臣未嫁
俶臣夭女年十九聞訃過門守貞敝衣破履不櫛沐者
十五年卒

王氏金趙鳴繼妻年二十二夫歿絕食八日死

朱氏唐繼隆妻守節六十一年

張氏江灣程某妻早寡遺孤又夭家貧守節五十八年
金氏張欽芳妾年二十七家長歿同嫡甘守節年至八

十九嗣子鑑娶潘氏亦未三十而寡事姑守節三十餘年

蔡氏楊啟承妻守節三十餘年

甘氏金正信妻守節六十二年正信弟正恒妻趙氏守節三十一年正信又有妹許字吳璋璋客死金誓死不更字按徵顯志璋爲催科者所迫懼而逸不知所終議改字氏流涕不從母歿依兄兄歿依侄卒年七十六嫂節姑貞學政楊中訥各給獎

金氏吳兆嘉妻夫歿孤甫期月以紡織自活歲歉食棉花仁哽噎幾死守節五十四年

朱氏金式妻家貧守節四十二年知縣許雲給共操孟教匾知府陳鵬年給勁節常新匾

朱氏石家塘顧某妻早寡矢志後喪子婦更撫二孫長孫復天孫媳潘氏年未二十而寡矢志如祖姑朱守節七十餘年潘三十餘年

汪氏潘拱辰繼妻夫歿前妻子生孫相繼喪亡氏守節五十七年

陸氏王乾妻乾患瘍氏紡織供醫藥卒不起殮後自經死時年二十五

葛靜爲蕭環

微顯志作蕭思恢

妻婚二十七日夫歿氏年十九

撫侄廵爲嗣夫弟欽素無行悉蕩其業又利富人金欲奪氏志屬朱熙臣爲媒熙臣叱曰汝嫂冰心誰不知者汝有異志耶欽乃密與申某謀行事有日矣氏微聞設

祭告其夫卽日自沉於河年三十四知府給獎

沈氏戴聖功妻夫姊有淫行欲挽之氏泣不從自縊死
年十九

夏氏張行之妻夫歿撫遺腹孤守節四十年

沈氏王之益妻守節五十五年

陸氏陳鶴齡妻守節四十三年

嚴氏周端士妻撫嗣守節三十八年

金氏劉子安妻守節五十五年學政余正健給獎

陸氏秦克家妻夫歿孝養老姑撫育二孤守節三十年
學政謝履厚給水操筠節匾

高氏徐啟璠聘妻啟璠歿氏年十九過門守貞年六十五

正統二年
卷四十三
三
餘卒

沈氏徐性妻夫歿無子紡織養姑守節三十三年

張氏顧倬曾妻婚一年夫歿無子後因歸寧夫兄嚮其所居氏曰是絕吾歸路也歸祀舅姑與夫號慟半日夜自經死年二十六府縣並獎

孫氏父家蘇州贅嘉定印之禧爲壻早寡挈孤子歸旣成立娶室而天復撫二歲孤孫守節六十八年

陳氏趙俊妻夫歿撫孤德潤爲娶妻沈氏而天姑媳相依常嚙糠粃守節四十六年

費氏潘君瑜妻守節六十餘年

郁氏邱聖基妻年十九而寡守節四十一年

黃氏莊金妻年二十五而寡撫週歲孤躬親操作守節至九十餘

張氏王匡妻年未三十匡歿無子撫嗣孤彬氏弟某娶妻胡氏亦早寡遺一女兩孀相依後嗣孤卽與孤女爲婚未幾彬復夭其妻隨二母終身

胡氏呂公榮妻守節三十餘年

錢氏陳朝樑妻早寡耕織以養舅姑守節四十七年

施氏張國昌妻早寡未幾姑歿子天茹苦守節四十二年

趙氏唐君恒妻婚九月夫歿孝事老姑撫週腹孤承吉守節六十年

郭氏陳宏升妻年二十四夫亡守節六十年

甘氏顧子隆妻守節三十餘年

張氏郁蕙芳

徵顯志作
郁孚季

妻夫歿撫嗣孤鑄爲諸生守節

二十四年卒

方氏李永昌妻守節三十六年

錢氏曹國玉妻先與弟昇事母以孝有司獎以全孝完

貞額總河陳鵬年給松筠勁節匾守節五十餘年

沈氏唐功顯妻

戴氏須清妻年二十六寡

徐氏謝文墳妻十九寡

胡氏侯世謙妻二十七寡

周氏顧定妻

王氏金虎士妾年二十一寡

張氏倪國翰妻年二十二寡

丁氏邑城生員唐之龍妻二十八歲夫亡忍死撫兩孤
終身縞素不茹葷酒家童罕見其面雖至戚但闔門拜
揖而已次子永綬甫娶而天婦朱氏年十八事姑如事
母亦矢志守先姑歿丁年至七十一

以上康熙六十年前

張氏高琦妻婚數月夫歿無子撫嗣守節三十年知縣
趙向奎給苦節完貞匾

顧氏裘士超妻夫歿撫嗣守節四十二年趙向奎給晚

節芬芳匾

金氏許字錢超超歿氏年二十聞訃痛哭絕粒而死
徐氏甘倚和妻夫歿孤生甫十月家貧舅令改嫁氏矢
志不渝守節三十四年

顧氏胡世英妻無子守節五十七年學政法海給松筠
節操匾

譚氏唐廷賡妻年二十五夫歿自縊死趙向奎給生氣
猶存匾

趙氏金光祖妻守節三十餘年

王氏俞天衛妻夫歿家貧夫弟勸改嫁氏慟哭自縊家
人救之得甦藜藿常不繼而志益堅苦節二十八年

王氏曹子譽妻守節四十餘年

沈氏趙宏毅妻早寡無子守節三十餘年有女適沈文雄夫歿守節四十年

錢氏閔公庠妻守節四十四年

顧氏許光國妻早寡無子有強娶之者自刳其面奔控於吳淞參將獲免乃撫姪爲嗣守節四十年

劉氏張信妻年十九寡孤在襁褓撫之守節五十餘年
羅氏嚴雯妻夫歿孤幼辛勤撫育旣娶而天同媳孟氏撫孤孫相依守節各三十餘年

吳氏葉唐妻守節四十餘年

馮氏劉允文妻早寡家貧撫二歲孤守節三十餘年

譚氏李之荇

微顯志作之蘅

妻夫歿撫嗣守節二十八年

劉氏張國正妻夫歿家貧守節三十餘年

陶氏金之礪妻守節五十二年

金氏張君實妻早寡家貧守節四十五年

江氏朱翊妻守節三十八年

王氏沈師濂妻夫歿撫嗣守節五十四年

沈氏姚纘虞妻由錢塘徙邑之黃渡鎮早寡撫孤既娶

復天樞孤孫守節四十餘年

郁氏陸善昌妻早寡家貧舅姑年老撫遺腹孤養撫盡

力守節四十五年

李氏何霞妻早寡家貧撫孤守節四十六年

楊氏錢灝妻守節三十四年

張氏金鼎祥妻夫歿無子資紡織以養守節三十七年

馮氏張弧妻早寡一女復夭守節三十年

張氏陳全義妻早寡撫嗣守節三十五年

陳氏印汝爲妻無子守節三十三年

金氏周楠聘妻楠歿過門守貞年三十卒

陸氏許字吳縣沈侄女歿父母欲改字氏不可歸沈守

貞卒

蔡氏姚瑾妻早寡未有嗣姑年老叔蕩其產氏操作以
養越五年叔生子撫爲嗣姑歿竭力殯葬守節三十四
年

顧氏黃名封妻守節三十一年

朱氏沈純茂妻早寡無子守節五十三年

徐氏郁班妻早寡撫周歲孤調元未婚而夭聘媳王氏過門守貞徐守節三十七年王年四十歿

錢氏邵敷文妻夫歿撫三歲孤永年已婚娶旋死氏撫遺腹孤孫熒熒艱苦守節二十五年歿

程氏錢崧立妻守節二十一年歿

胡氏張俊扶妻年二十寡孤甫生三月葬三世喪守節三十三年

徐氏陸鎬妻年二十二夫歿殮時以頭觸棺慟絕救甦屢求死家人守視之後八月乘間登樓自縊

錢氏施田秀妻守節二十三年歿

張氏楊有樟妻守節五十二年知府陳鵬年給柏舟自矢匾

程氏岳維則妻夫歿無子紡織以給守節四十餘年

盧氏趙銘妻刲股療舅病姑目疾舐之復明後歿鬻居營葬布政司使趙向奎給匾

陶氏呂立員妻

施氏宗聖言妻早寡舅姑年老力作以養及歿竭蹶殯葬守節四十餘年

周氏張芝

微顯志作張芸

妻早寡無子舅年老力作以養守節

四十餘年

丁氏郁珠妻守節四十九年

陸氏張毓琦妻撫嗣守節四十三年

王氏沈壽仙妻年十九而寡守節四十餘年

瞿氏湯學仁妻年十九而寡孤生七月撫之守節四十一年

徐氏沈天授妻婚六月夫歿守節四十餘年

喻氏朱蓋臣妻守節三十三年

陳氏顧維周妻年二十寡守節三十餘年

陳氏徐某妻撫幼孤守節三十二年

蔣氏王振妻年十九夫歿遺腹生子撫之家貧守節四十四年

徐氏沈周師妻早寡子女俱殤孝養其姑守節三十餘年

錢氏王聖卿妻守節三十餘年

黃氏唐大翰妻夫亡操作養舅姑及沒拮据營葬守節三十二年

陸氏姚世發妻守節二十九年

袁氏李大成妻早寡守節三十餘年

奚氏張鍾妻守節二十餘年歿

王氏江愷妻守節二十六年

朱氏王大經妻守節二十九年

施氏張公遠妻守節三十三年

畢氏張備文妻早寡孝養舅姑撫遺腹孤守節三十九年

唐氏顧繩仁聘妻年十五繩仁歿過門守貞二十七年
太學士無錫嵇曾筠匾曰閨貞完璧

唐氏龔允肅妻年二十寡孝事舅姑守節二十七年

沈氏楊家行張氏養媳夫數欲犯之氏峻拒之猶弗止
乃赴水死時年十六

管氏邱崇華聘妻夫夭過門守貞年七十一歿

盧氏龍號生員朱震妻二十六歲夫亡守節至四十六
歲歿

周氏東城桂懿德妻二十九歲夫亡守節至七十二歲

歿

徐氏邑城張恒臣妻二十七守節年七十餘

韓氏四都季瑞相妻二十四歲守節年七十餘

唐氏北城殷復曾繼妻二十五歲夫亡家酷貧守節至五十六歲

陸氏皇號錢景榮妻二十餘歲夫亡守節三十年如一日

須氏張號監生金欽妻二十九歲守節年五十二歲

陸氏南城印同璧妻婚牛載夫亡無子家貧姑病陸竭力孝養二十年姑歿葬畢閉戶自經家人救甦守節三十年

浦氏七都茂甫女年十四許字周恩次年恩亡守貞母
家年至七十餘

顧氏六都朱方暉聘妻方暉死顧年二十二矢志守貞
年六十餘歲

范氏羅店唐湛聘妻湛死范年二十一歸唐守貞孝事
翁姑四十餘歲卒

以上雍正年間

陸氏韓亦魏妻早寡撫幼叔紹翊及長延師課讀并爲
娶婦營葬舅姑值歲飢家益窘紹翊無子撫次叔之子
克振爲嗣守節三十四年

邱氏王功銘繼妻早寡嗣子金中年而天撫孤孫二人

成立守節五十年

張氏趙某妻早寡撫孤奉姑盡孝紡織度日孤天嗣姪
爲後守節三十九年

徐氏陳錫襲妻年十六而寡侍舅姑有盜夜至姑欲挈
之奔走氏曰脫遇強人等死耳乃匿姑與子持刃大呼
曰我寡婦也若怕死遁矣盜驚却第掠財貨而去舅以
悸死氏鳴於官擒盜伏法乾隆八年有司給匾

張氏俞大棟妻守節四十三年

孫氏錢階朝妻夫歿撫孤繼登爲諸生守節三十一年
李氏陳啟祥妾守節三十七年

陸氏錢國棟妻早寡家貧守節四十年

徐氏錢遂良妻守節三十一年

李氏王紫芝妻夫歿兩孤永錫永思俱幼撫之成立年踰六十有言例宜請旌者氏曰守我分也若以爲名是利夫早死吾弗忍爲也聞者敬之守節六十四年九十
三歲卒

以上乾隆二十年前

張氏秦淮繼妻年二十五歸夫歿紡績以活撫孤成立
守節三十四年

唐氏謝芳隣妻早寡無子撫姪成立守節三十九年

沈氏陸應震妻守節五十年

朱氏張洪業繼妻守節五十六年

程氏金鎬妻早寡守節五十九年

顧氏戴桂妻守節三十一年

汪氏王枚妻上海人流寓嘉定年二十一而婚數月卽寡奉舅姑盡孝賣舊田葬三世四喪守節五十五年

徐氏錢宏謨妻守節三十一年

朱氏顧金妻守節五十三年

項氏馬立先妻守節五十八年

高氏陳丕文妻守節五十餘年

陳氏朱虎文妻守節四十餘年

吳氏石紫耀妻婚甫三月夫歿守節四十餘年

陳氏秦霍繼妻夫歿家貧撫兩孤成立守節六十年

金氏陸炳耀妻夫歿孤大名甫周歲仰事俯育藉十指以給復節其餘爲子讀書費大名善承母志中乾隆三十五年 恩科舉人氏守節三十四年

張氏高易初繼妻早寡無子撫前妻所生之子一女皆成立孝事繼姑乾隆二十年歲祔氏以白粲奉養自食糠粃光祿寺卿王鳴盛贈以飲冰畫荻匾

黃氏孫孚吉妻守節四十二年

吳氏張耀明妻守節五十六年

孫氏袁文駿妻守節五十二年

金氏沈永妻永故無賴子利惡少金導以犯婦婦不從謀強逼之氏知不免赴水死

朱氏杜亘揚妻守節三十三年

宣氏王軾妻無子守節四十三年

宗氏陳魯朋妻守節四十年

蘇氏黃斐瞻妻守節五十二年

盧氏柏某妻早寡撫孤旣長復天撫孫成立守節六十年

朱氏周與堅妻夫歿紡績教孤成諸生守節三十四年
學政景福給匾王鳴盛爲紡授圖記

張氏李君彩妻年十九而寡守節六十九年

張氏李匡如妻守節五十年

馬氏葛銓繼妻守節六十二年崑山縣知縣廖光謨給

操比懷清匾

張氏金樵妻守節四十年

程氏嚴鳴鑾妻早寡撫孤紹斗既娶復天媳王氏相依
矢志程守節三十二年王守節三十一年知縣給匾
陸氏林式文妻早寡無子守節三十二年知縣給匾
章氏自婁塘移居太倉劉河鎮年未笄許字姚姓夫歿
過門守貞姑欲奪其志自縊死

朱氏秦允中妻與妾錢氏矢志同守巡撫學政並給獎
之

毛氏沈潮聘妻守貞終身

呂氏周東白妻早寡舅姑年皆耄耄甘旨無缺撫嗣稚

圭爲諸生守節四十五年

韓氏李務本聘妻年十九務本歿奔喪成服奉侍舅姑三十餘年辛勤操作得堂上歡撫姪清方爲後守貞五十四年

潘氏張憲卿聘妻憲卿歿奔喪視殮事畢赴水死

嚴氏許字倪某年二十三夫歿聞訃痛哭自縊倪氏迎歸合葬

王氏唐寧休妻夫歿遺孤鵬年早夭撫姪大賓爲嗣守節五十餘年娶媳陸氏大賓旋歿時姑年老孤受義甫二歲陸氏拮据奉侍又念母老無子迎以同養且爲受義娶婦陳氏生二子受義又夭陸哭之曰我何罪而天

正東才女志 卷四 三
使我三世孤寡于是姑媳相勵矢節訓孫成立

以上乾隆四十年前

江氏韓錦聘妻年十九錦歿過門守貞五十四年

徐氏錢宏模妻守節三十一年

胡氏陳瑄聘妻年十六瑄歿守節卅家三十一歲過門撫姪爲嗣教養成立

陳氏王學泗妻夫亡守節終身

錢氏朱鍾勲妻夫歿欲殉舅姑以有娠勸止之踰月生子撫棺慟哭而死王鳴盛錢大昕並有傳

黃氏吳縣人金惟駿妾家長歿氏年十七矢志不二布衣蔬食守節五十一年知縣姚學甲給清節維厚匾

李氏朱鳳苓妻早寡撫孤炳玉煥玉成立守節二十一年卒姚學甲給操並松筠匾

楊貞姐朱爾觀聘妻爾觀歿氏聞訃欲奔喪母不許謂母曰兒死必與壻同葬次日自縊死姚學甲給貞烈流芳匾

張氏蔣葵揚妻早寡家貧攜孤歸家依兄允武撫之成立守節三十七年姚學甲給柏舟此節匾

劉氏錢宗道妻年二十一宗道病革無子氏許以身殉宗道謂父母俱在無人承奉氏勉從及歿事舅姑以孝聞典簪珥佐舅娶妾生三子氏撫之如子婚娶費皆出自針黹守節四十餘年

陳氏程繼文妻守節四十七年

殷氏陳中周聘妻年十九中周歿過門成服紡織養姑垂四十年年七十六無病而卒

張氏嚴士升妾年二十九寡撫孤鉦爲河工縣丞守節至六十一卒

湯氏許字王謙益年十六謙益天遂往視殮不欲生及歸絕食請歸葬於王氏其家乃迎柩合葬錢大昕傳其事

莊氏字玉清幼喜作詩許字編修仁和余集次子佛保未婚夫亡矢志守貞抑鬱以死年二十二王鳴盛立傳有玉清遺稿一卷

周氏陸芳惠聘妻年十八芳惠病瘵歿過門守貞紡織以養舅姑喪葬盡禮撫姪爲之婚苦節二十年秦殿撰大成傳其事

以上乾隆六十年前

裘氏徐賢序妻夫歿截髮毀容操作組紃事舅姑養葬盡禮撫三孤皆至成立長玉映乾隆四十四年恩科舉人姚學甲給畫荻芳徽匾現年七十五

唐氏顧廣成聘妻廣成歿奔喪矢志紡績自給現年六十八

葉氏鄒日煜聘妻年十九日煜歿矢志守貞二十七歲過門現年四十八

龔氏陳岳官妻守節四十餘年

馬氏徐學成妻年二十四寡無子耕織事舅姑撫姪爲嗣養育成立現年七十

沈氏顧翰綸妻年二十八寡現年七十

勞氏王受鼎妻年二十八寡無子現年六十八

陸氏陳鈞實妻年二十九寡現年六十一

湯氏張惟敬妻年二十六寡現年七十四

張氏梁東明妻年二十九寡無子現年六十

金氏王南仲妻年二十五寡無子現年五十七

梁氏金桂妻年二十四寡現年五十五

朱氏李龍章妻年二十六寡現年五十七妾王氏年二

十寡現年五十一

陸氏馬式穀妻年十九寡無子家貧歸母家守節現年六十

吳氏金鳳綸繼妻年二十六寡無子事舅姑盡孝撫姪慰祖丁酉拔貢旋卒氏現年七十一

顧氏徐書全妻年二十九寡現六十六歲

龔氏趙光裕妻年二十五寡現年六十五

顧氏韓鳴庠妻年二十四寡撫孤針指度日居小樓戚黨罕見其面現年五十六

陳氏年十四許字南翔何某何客死守貞不字現年六十八

劉氏葛廷珍妻年二十八寡撫孤姪如已出妯娌相恤
無間言現年六十一

胡氏張浩妻年二十一寡無子家貧現年五十三

顧氏徐受祿妻婚一載夫亡矢誓不嫁奉舅姑以孝聞
及歿竭力營葬哀感宗戚卒以無依歸母家紡績自給
現年六十一

楊氏金鵬妻年二十五夫病刲股以進卒不起事舅及
繼姑尤盡禮撫孤成立積蓄貲營葬四極現年五十四
王氏葉大妻年二十四寡現年六十

吳氏侯登翹繼妻年二十六寡孤早殤紡織度日現年

陳氏姚秉衡妻年二十一寡無子辛勤操作事繼姑如母養葬盡禮三叔俱幼撫字成立里黨中有爲請旌者止之現年五十六

馬氏陳安邦妻年二十四寡無子家徒壁立舅姑俱老歲祿百計供養撫姪爲嗣旣娶子媳並夭遺孫幼而疾廢獨力殯葬五喪現年六十四

金氏陳友維妻年二十三寡姑老孤幼早夜紡績事姑不少懈及歿營葬三喪撫孤成立現年六十九

方氏元和人襄陽知府懋祿女適時運昌年二十四寡侍姑三十餘年敬養如一日撫姪逢春爲嗣現年六十湯氏張惟敬妻年二十六寡舅姑俱年老二孤尙幼紡

織以養舅姑歿盡典衣爲葬費現年七十五

陳氏陸尙珍妻年二十二寡現年五十二

莊氏朱鵬妻年二十六寡守節

年

附

徐節婦 林貞女 二人年代里居皆無考明高士王

翹有詩紀之不忍沒其姓氏因附之貞烈傳後云

王翹徐節

婦詩幽幽谷中蘭妻妻保貞素嗟彼蕭艾徒道遠不相
顧深閨有令姿不見頭上天河山重然諾抱之以終年
樓前懸古鏡瑩然照我心我心已先死孤鸞不成音
有樓前舊時月夜夜清光猶至今王翹白壁歌爲林貞
女作妾家白壁璠璣姿不遣尋常桃李知一朝光彩聞
鮫室鮫人捧珠偕結褵高堂父母重然諾命妾永結終
身期豈期未覩春風面明珠錯落同飛霞可憐蕙帳夜
燈孤一片貞心豈容變歲歲高堂伴妾身妾身猶是未
亡人塚上鴛鴦死相待鏡裏孤鸞常自
親蜉蝣旦暮等閒事百歲方知死是真

直隸大倉州志卷四十五終